



MASFJORDEN KOMMUNE

Rådmannen
Rådgevarar

Dato: 22.12.2009

Kunnskapsdepartementet

Vår ref.

09/776-3/N-210/AMS

Dykkar ref.

Høyringsfråsegn frå Masfjorden kommune

Viser til vedlagt utskrift av vedtak

KS-084/09 VEDTAK:

Kommunestyret støttar framlegget til endringar i Opplæringslova når det gjeld:

- **plikt for skuleeigar til å tilby elevar i 1.-4. klasse leksehjelp**
- **rett til skyss for funksjonshemma til og frå SFO**
- **krav om politiattest ved tilsetjing i kulturskular**

Kommunestyret har følgjande merknader:

Retten til skyss til og frå SFO bør gjelda også i skulen sine feriar

Departementet må gjennomføra ein skikkeleg språkvask av dei nye paragrafane før dei vert sett i kraft.

Med helsing

Alf Strand
Rådgevar for oppvekst og kultur

Mottakarar:

Kunnskapsdepartementet

MASFJORDEN KOMMUNE

Sakspapir

SAKSGANG			
Politisk organ	Møtedato	Saksnr	Sakshands.
Formannskapet	30.11.2009	086/09	Alf Strand
Kommunestyret	08.12.2009	084/09	Alf Strand

Arkiv: N-210	Arkivsaknr.: 09/776
--------------	---------------------

SAK - HØYRING - FORSLAG TIL ENDRING I OPPLÆRINGSLOV OG PRIVATSKULELOV - LEKSEHJELP, SKYSS OG POLITIATTEST

Rådmannen sitt framlegg til vedtak:

Kommunestyret støttar framlegget til endringar i Opplæringslova når det gjeld

- plikt for skuleeigar til å tilby elevar i 1.-4. klasse leksehjelp
- rett til skyss for funksjonshemma til og frå SFO
- krav om politiattest ved tilsetjing i kulturskular

Kommunestyret har følgjande merknader:

Retten til skyss til og frå SFO bør gjelda også i skulen sine feriar

Departementet må gjennomføra ein skikkeleg språkvask av dei nye paragrafane før dei vert sett i kraft

Finansiering

Heimel

FS-086/09 TILRÅDING TIL KOMMUNESTYRET:

Kommunestyret støttar framlegget til endringar i Opplæringslova når det gjeld:

- plikt for skuleeigar til å tilby elevar i 1.-4. klasse leksehjelp
- rett til skyss for funksjonshemma til og frå SFO
- krav om politiattest ved tilsetjing i kulturskular

Kommunestyret har følgjande merknader:

Retten til skyss til og frå SFO bør gjelda også i skulen sine feriar

Departementet må gjennomføra ein skikkeleg språkvask av dei nye paragrafane før dei vert sett i kraft.

Finansiering

Heimel

Det skjedde i Formannskapet den 30.11.2009:

Rådgevar Alf Strand orienterte om dei ymse punkta i høyringa som Masfjorden vil gje uttale til.

Formannskapet drøfta saka.

Kari Skår Sørheim gav uttrykk for at ho er prinsipielt usamd i 1. kulepunkt om plikt for skuleeigar til å tilby leksehjelp. Ho meiner at det er å gå inn på foreldra sin arena. Ho vil ikkje koma med endringsframlegg i dag.

Røysting:

Framlegg til vedtak vart samrøystes vedteke.

KS-084/09 VEDTAK:

Kommunestyret støttar framlegget til endringar i Opplæringslova når det gjeld:

- **plikt for skuleeigar til å tilby elevar i 1.-4. klasse leksehjelp**
- **rett til skyss for funksjonshemma til og frå SFO**
- **krav om politiattest ved tilsetjing i kulturskular**

Kommunestyret har følgjande merknader:

Retten til skyss til og frå SFO bør gjelda også i skulen sine feriar

Departementet må gjennomføra ein skikkeleg språkvask av dei nye paragrafane før dei vert sett i kraft.

Det skjedde i Kommunestyret den 08.12.2009:

Fungerande ordførar Kari Skår Sørheim orienterte om saka.

Saka vart drøfta.

Marit Steinestø, KrF, sette fram slikt framlegg:

Masfjorden kommunestyre støttar ikkje plikt for skuleeigar til leksehjelp for elevar i 1. til 4 klasse.

Steinestø spurde om det var rett til fri skyss i samband med leksehjelp. Ho spurde og om det er tenkt å setja inn ekstra ressursar for å gje leksehjelp?

Rådgjevar Alf Strand orienterte og svara at det er ikkje fri skyss på SFO

Det er foreldra som må avgjera om elevane skal nytta seg av tilbodet om fri leksehjelp.

Busskorta som elevane no har varer lenger, slik at elevane kan reisa heim seinare viss det går buss. Ca 50 % av småskuleelevane går i SFO i dag.

På spørsmål om ekstra ressursar svara Strand at det kjem an på kor mange som tek imot tilbodet.

Mange i kommunestyret gav uttrykk for at dei var positive til tilbodet om fri leksehjelp og ville støtta saka.

Røysting

Endringsframlegget frå KrF til kulepunkt 1 vart røysta opp mot tilrådinga frå formannskapet.

KrF sitt framlegg fekk to røyster og fall. (KrF)

Kulepunkt 2 og 3 vart samrøystes vedteke.

Heile tilrådinga frå formannskapet er dermed vedteken.

SAKSTILFANG:

Nr	T	Brevdato	Avsendar/Mottakar	Tittel
1	I	02.11.2009	Kunnskapsdep.	Høyring - Forslag til endring i opplæringslov og privatskulelov - Leksehjelp, Skyss og Politiattest

SAKSUTGREIING:

BAKGRUNN

Kunnskapsdepartementet har sendt ut framlegg til endringar i Opplæringslova til høyring m.a i kommunane. Høyringsframlegget omfattar følgjande endringar:

- Innføra plikt for skuleeigar til å tilby leksehjelp elevane i 1. til 4. klasse
- Innføra rett til skyss for funksjonshemma til og frå SFO
- Innføra krav om politiattest ved tilsetjing i kulturskular

HØYRING

Høyringsfristen er sett til 31. desember 2009.

FAKTA

A Leksehjelp

I statsbudsjettet for 2010 har regjeringa lagt inn midlar til leksehjelp i til saman 2 timar pr. veke for kvart av årsstega i småskulen. Regjeringa meiner at dette vil vera eit målretta tiltak for elevar og foreldre som ønskjer støtte i opplæringa og også vera i tråd med strategien om tidleg innsats for betre læring. Tilbod om leksehjelp for elevane i småskulen vil vera eit verkemiddel for å stimulera svake elevar til betre gjennomføring av grunnutdanninga og vidaregåande skule. Det vil og kunne bidra til sosial utjamning og inkludering, betre læringsutbytte og auka sosial trivsel.

Det store fråfallet i vidaregåande skule er bekymringsfullt og er grunngeving for mange av endringane i Opplæringslova og forskriftene som har kome dei siste åra, t.d utvida timetal for barneskulen og rett til fysisk aktivitet for mellomsteget.

Departementet gjer framlegg om å endra §13-7 i Opplæringslova slik at kommunen skal ha eit tilbod om leksehjelp etter skuletid for elevar på 1.-4 årssteg. Tilbodet skal vera gratis for elevane. Elevane skal ha rett til å delta, men det skal vera frivillig å vera med. Med leksehjelp meiner ein både hjelp til lekser i tradisjonell forstand og hjelp til skulearbeid i det store og heile. Sjølv dei skulane som ikkje gjev elevane i småskulen lekser i tradisjonell forstand, skal gje elevane tilbod om leksehjelp.

Den nye paragrafen i Opplæringslova skal lyda slik:

”§13-7a Plikt for kommunen til å ha tilbod om leksehjelp

Kommunen skal ha eit tilbod om leksehjelp for elevar på 1.-4 årstrinn.

Tilbodet skal vera gratis for elevane. Elevane skal ha rett til å delta på leksehjelptilbodet, men det skal vera frivillig for elevane om dei ønsker å delta.

Rektor skal vera øvste leiar for leksehjelptilbodet.

Regelen i §10-9 første, andre og tredje ledd gjeld tilsvarande for dei som skal gi leksehjelp.

Departementet gir nærmare forskrifter om leksehjelptilbodet.”

Frå departementet si side er det lagt opp til at det skal vera ein fagarbeidar som gjev leksehjelp til elevane. Det kan verta utarbeidd forskrifter til denne lovparagrafen.

Departementet reknar med at kommunane/fylkeskommunane finn praktiske løysingar på skyss i samband med leksehjelpa. Meirkostnader til skyss må kommunen/fylkeskommunen dekkja sjølve.

VURDERING

Rådmannen meiner det er rett å gje tilbod om gratis leksehjelp til elevane i småskulen. Det kjem frå tid til anna søknader til skulane om å gje elevar tilbod om leksehjelp i periodar. Så langt har dette vore mest aktuelt for litt eldre elevar som slit både med skulearbeidet og med motivasjonen for å gjera lekser. Og det er særleg på ungdomsteget at foreldre føler at dei ikkje har gode nok faglege kunnskapar til å hjelpa borna sine, t.d. i matematikk.

Det er godt mogleg at ein med tidleg innsats med leksehjelp på småskulesteget kan avhjelpa framtidige lære- og motivasjonsvanskar for somme elevar.

Men det er òg eit aktuelt politisk spørsmål kvar grensa går mellom kva som er foreldra sitt ansvar og kva som er skulen sitt. Somme vil sjå tilbodet om leksehjelp som eit steg på vegen mot innføring av heildagsskulen. På den andre sida er det slik at i mange kommunar går alt no ein stor del av småskuleelevane i SFO. Då er det rimeleg at dei der får hjelp til å gjera skulearbeid. Når rett til gratis leksehjelp vert innført, må det bety at dei som går i SFO, skal få 2 timar gratis SFO pr. veke.

Det må drøftast korleis ein skal praktisera regelen om at leksehjelpa skal vera frivillig. Det beste vil vera ei påmelding som skal gjelda over ei viss tid, slik at ein unngår at elevane frå dag til dag kan velja om dei vil vera med eller ikkje. Det vil bli altfor uoversiktleg både for foreldre og skulen.

B Rett til skyss til/frå SFO for funksjonshemma elevar

Opplæringslova har i dag ikkje bestemmelsar som gjev rett til skyss til og frå SFO. Det er opp til dei einskilde kommunane å vedta ordningar om skyss for funksjonshemma elevar. Elevar med spesielle behov har rett på SFO-tilbod til og med 7. klasse.

Departementet kjem no med framlegg om at *"Elevar som har plass i skulefritidsordninga og som på grunn av funksjonshemming eller mellombels skade eller sjukdom har behov for skyss, har rett til skyss til og frå skulefritidsordninga. Retten omfattar ikkje skyss i skulen sine feriar. Retten til skyss gjeld uavhengig av avstanden mellom heimen og skulefritidsordninga."*

Departementet ber høyringsinstansane seia frå om ein meiner at retten til skyss også bør gjelda i skulen sine feriar.

VURDERING

Masfjorden kommune har alt ei ordning med at funksjonshemma elevar får skyss til og frå SFO. Kommunen tek kostnaden. For vår del vil ei innføring av rett til skyss for denne gruppa føra til at fylkeskommunen overtek det ansvaret for skyssen som kommunen har hatt til no. Me har erfaring for at funksjonshemma elevar nyttar SFO i stor grad også i skulen sine feriar. Retten til skyss bør også gjelda i desse feriane.

C Krav om politiattest i kulturskulen

Frå 1997 har det vore krav om at dei som vert tilsette i grunnskule og vidaregåande opplæring, SFO og private skular skal leggja fram politiattest ved tilsetjing. Attesten skal visa om vedkomande er sikta, tiltalt eller dømd for seksuelle overgrep mot born.

Tilsvarende krav om å leggja fram politiattest ved tilsetjing i kulturskular, har til no ikkje vore gjeldande.

Departementet meiner at krav om politiattest ved tilsetjing i kulturskular må innførast då det ikkje er nokon rimeleg grunn til at kulturskulane skal haldast utanfor kravet om slik attest.

VURDERING

Rådmannen støttar framlegget om at kravet til politiattest også skal gjelda ved tilsetjing i kulturskulen.

KONKLUSJON

Kommunestyret støttar framlegget til endringar i Opplæringslova når det gjeld

- plikt for skuleeigar til å tilby elevar i 1.-4. klasse leksehjelp

- rett til skyss for funksjonshemma til og frå SFO
- krav om politiattest ved tilsetjing i kulturskular

Kommunestyret har følgjande merknader:

Retten til skyss til og frå SFO bør gjelda også i skulen sine feriar

Departementet må gjennomføra ein skikkeleg språkvask av dei nye paragrafane før dei vert sett i kraft

